



Inatsisartuni ilaasortaq Stine Egede, Inuit Ataqtigiit

**Qaortup Mittarfissaa pillugu § 37 naapertorlugu apeqquteqaammut 2018-293-  
imut akissut**

22-11-2018  
Suliaq normu: 2018-23702  
Id normu: 35512388

Asasara Stine Egede

Inatsisartut suleriaasianni § 37 naapertorlugu Naalakkersuisunut apeqquteqaateqarputit.  
Apeqqutit uannut akisassanngorlugit innersuunneqarput.

Postboks 909  
3900 Nuuk

Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut 1: Qaortup mittarfissaanut misissuinissat (silaannaap aalarulut-  
tarneranut) kingulliit aaliangiisuulluinnartut ingerlanneqarnerat sumut killippat?**

Akissut: Aningaasaqarnermut Akileraartarnermullu Ataatsimiititaliap 2018-imi ukiakkut  
ataatsimiinnermi ullormut oqaluuserisassani 21-p pingajussaanneerseqarnissaanut  
ilassutitut isumaliutissiisutaanut ilanngussaq 2-mi apeqqut 11-mut Naalakkersuisut  
akissuteqaataat innersuussutigissavara.

**Apeqqut 2: Misissuinerit ingerlanneqarsimangippata tamanna sumik  
patsiseqarpa?**

Akissut: Apeqqut 1-imut akissuteqaat takuuk.

**Apeqqut 3: Mittarfissuassat suliarineqalerpata Qaortumi mittarfik  
aningaassaliissutissanit 2,1 milliartiusunit ilanngullugu aningaasalerneqassava?**

Akissut: Aap. 2,1 mia. koruuninut, Namminersorlutik Oqartussat Kalaallit Airports A/S-  
imut nammineerluni aningaasaatitut akiliutaannut Qaortumi nutaamik mittarfiliornissaq  
ilaatinneqarpoq. Taanna Nuummi aamma Ilulissani nunanit tamalaanit mittarfiit kiisalu  
Qaortumi nunap immikkoortuani mittarfiup sananeqarnissaannut,  
ingerlanneqarnissaannut aningaasalersorneqarnissaannullu killiliussatut piumasaqaatit  
pillugit Inatsisartut inatsisaanni nr. xx, xx. xxx 2018-imeersumi § 5-imi allassimavoq.

**Apeqqut 4: Qallunaat naalagaaffiata aningaasaliissutaannit Qaortup mittarfissaa  
ilanngullugu aningaasalersorneqassava?**

Akissut: Naagga. Allannguutissatut siunnersuummi, 2018-imi ukiakkut ataatsimiinnermi  
ullormut oqaluuserisassap 21-p suliarineqarnerani Naalakkersuisunit  
saqqummiunneqartumi allassimasutut, Naalagaaffiup aningaasaleeqataassutissai  
piginneqataassutissaalu taamaallaat Nuummi Ilulissanilu mittarfinnut tunngasuupput.  
Qaortumi mittarfik sulit Nunap Karsianit 100 %-imik aningaasalersorneqartussaavoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Vittus Qujaukitsoq